



Innviðaráðuneytið  
Sölvhólsgötu 7  
101 Reykjavík

**Grænbók um sveitarstjórnarmál, S-229-2022 – umsögn Reykjavíkurborgar.**

Vísað er til tilkynningar í samráðsgátt stjórnvalda þar sem óskað er eftir umsögnum um grænbók um sveitarstjórnarmál.

Grænbókinni er ætlað að leggja grunn að umræðu um núverandi stöðu, lykilviðfangsefni og framtíðarsýn sveitarstjórnarstigsins og er gert ráð fyrir að ábendingar um innihaldið verði nýttar til að fullvinna drög að stefnuskjali, hvítbók sem verður lögð fram á Alþingi sem tillaga til þingsályktunar um stefnumótandi áætlun í málefnum sveitarfélaga.

Reykjavíkurborg þakkar fyrir tækifærið til að koma athugasemdum að á þessu stigi og er að mestu leyti sammála þeim þeim áherslum sem birtast í grænbókinni. Grænbókin er afbragðs yfirlit yfir helstu áherslur á verkefnum sveitarfélaga og grunnur að stefnumótun sveitarstjórnarstigsins. Reykjavíkurborg vill hvetja til öflugs og víðtæks samráðs í áframhaldandi vinnu ráðuneytisins að málinu.

Reykjavíkurborg tekur undir umsögn Sambands íslenskra sveitarfélaga, einkum að því er varðar ábendingar um að gera lýðræðislegum áskorunum, s.s. minnkandi kosningapátttöku á sveitarstjórnarstigi og skorti á lýðræðislegri virkni, sérstaklega innflytjenda og ungs fólks, hærra undir höfði við áframhaldandi vinnu.

Reykjavíkurborg bendir jafnframt á og óskar eftir því að í áframhaldandi vinnu verði hugað að umgjörð og málefnum fyrirtækja sem eru í eigu sveitarfélaga. Nauðsynlegt er að huga að endurskoðun m.a. sveitarstjórnarlaga í því skyni svo unnt verði að styrkja umgjörð í lögum fyrir fjölbreytt rekstrarfyrirkomulag.

Ekki er talin ástæða til að gera frekari efnislegar athugasemdir á þessu stigi en Reykjavíkurborg fagnar yfirstandandi vinnu og lýsir sig tilbúna til áframhaldandi samstarfs og samráðs.

Virðingarfyllst

f.h. Reykjavíkurborgar,  
Helga Björk Laxdal  
Skrifstofustjóri borgarstjórnar